

LITERATU KONKURSS

Pītera Jurceņa piemiņai veļteituo literatu konkursa 2026 NŪLYKUMS

KONKURSA MIERKIS:

- veicynuot jaunu literaru dorbu latgaliski tapšonu;
- veicynuot dailliteraturys bārnim i jaunīšim tapšonu;
- aicynuot rodūši izsaceit sovys dūmys, izjiutys i dzeivis realejis, izmontojūt dzejis i humoreskys žanus, atbiļstūši konkursa nūlykumam;
- gūdynuot dzejņika, jaunūs literatu školuočiuja Pītera Jurceņa (Pētera Jurciņa) piemiņu.

KONKURSA DALEIBŅIKI:

- konkursā var pīsadaleit kotrys, kurs ir īsyutiejs nūlykumam atbiļstūšu dorbu (voi juo fragmentu) kaidā nu nūlykumā nūsaceitūs žanru (dzeja, humoreska voi sevkura žanra dailliteratura bārnim/jaunīšim) latgalīšu rokstu volūdā. Konkursa dorbu autoru vacuumam, pīredzei i geografiskajai pīdareibai nav nūzeimis.

KONKURSA DORBA NŪSACEJUMI

Autori aicynuoti īsyuteit:

- **poša radeitu i da tuo napublicātu tekstu latgalīšu rokstu volūdā kaidā nu konkursā nūsaceitūs kategoreju: dzeja, humoreska i sevkura žanra dailliteratura bārnim;**
- dorba lelums: dzejai vysmoz 5 dzejūļu kūpa, puorejūs vierzīņūs – vysmoz vīna A4 puslopa;
- teksta nūformiejums: **Times New Roman, burtu lelums 12 punkti, rindu storpā 1,5 punkti;**
- konkursa dorbim nav nūsaceitys temys, bet īdviesmei var izmontuot Pītera Jurceņa dzejūļa nu kruojuma “Vasala, muos, vasals, bruo!” fragmentu i ituo gods konkursa moto: “Cylvāks vaicoj cylvāka, gors vaicoj gora”.

KONKURSA DORBU ĪSNIEGŠONA:

- dorbi juoīsyuta da **10. juņa** (īskaitūt) elektroniski latgalīšu kulturys kusteibai “Volūda” iz e-postu: literatura@voluda.lv ar nūruodi “Literatu konkurss 2026”;
- īsyuteitū dorbu e-postā **vajag papyldynoju ar viestim par autoru** (vuords, pavuorde, kontakti (telepons) i eisa rodūšuo biografeja (vysmoz 3–4 teikumi)) i **nūruodi**, kurā nu konkursa kategoreju dorbs teik īsyuteits;
- autorim piec dorbu sajimšonys elektroniski teik nūsyuteits apstyprynuojums, ka dorbs registrāts konkursam. Īsyuteitajam dorbam tiks daškierts kuortys numers.

KONKURSA DORBU VIERTIEŠONA:

- dorbus konkursa kategorejuos vērtēs organizāčiuju sastateita vysmoz treis ekspertu komiseja;
- tiks vērtāta dorba atbiļsteiba konkursa nūlykumam, dorba originalitate;
- vierteišonys komiseja sajims anonimus dorbus ar kuortys numerim, ekspertu vuordi tiks atkluoti piec 19. juņa.

KONKURSA LAUREATU APBOLVUOŠONA:

- konkursa laureatu apbolvuošona nūtikis 2026. gods 29. juņa pasuokumā “Pīterdīna Rogovkā” Rēzeknis nūvoda Naurānu pogosta Rogovkā;
- kotrys kategorejis laureats sajims naudys premeju 100 (vīns symts) EUR nu Naurānu apvīneibys puorvaļdis i atleidzeibu 200 (diveji symti) EUR apmārā (pyrma nūdūkļu nūmoksys) nu latgalīšu kulturys kusteibys “Volūda” par dorbu (voi jūs fragmentu) pympublikacejom latgalīšu kulturys ziņu portalā lakuga.lv;
- sovu specbolvu kaidam nu konkursa dalinīku tīseigs pīškiert nūdybynuojums “Latgalīšu volūdys, literaturys i kulturviesturis školuočiuju asociaceja” i cyti konkursa atbalsteituoji.

KONKURSA ORGANIZĀTUOJI:

- konkursu izsludynoju i organizēj Rēzeknis nūvoda Kulturys i turysma puorvaļde, Naurānu apvīneibys puorvaļde (Rēzeknis nūvoda pošvaļdeibys īstuode) i latgalīšu kulturys kusteiba “Volūda”. Konkursa nūtikšonu atbolsta Vaļsts kulturkapitāla fonds.
- organizāčiuji, saskaņojūt ar konkursa daleibņikim, patur tīseibys īsnāgtūs dorbus izmontuot prezentacejuos, plašsazinis leidzekļūs.
- vaira dazynuošonai: literatura@voluda.lv, **29509672** (Edeite, “Volūda”) voi **28335357** (Inga, Naurānu kulturys centrys).